


առաջին ոգնականն եր յեղել հակառակորդների ապրա-
տամբության ժամանակ, ապա Գեորգիի մահվանից
հետո միայն († 1184), Թամարի յերկրորդ տարին,
Սարգիս Զաքարյանը Հայոց և Վրաց ամիր սպասաւար
նշանակվեց, իսկ վորդիքը բարձր պաշտոններ ստացան
պալատում, հայրենիք ստանալով նաև Լոռին*։ Սար-
գիս վախճանվեց 1187 թվին և թաղվեց Սանահնի
վանքում**։ Զաքարյանների այս բարձրացումը հետե-
վանք եր վոչ միայն Սարգիս Գեորգիին ցույց տված
աջակցության, այլ նաև նորա յերկու վորդոց հավա-
տարիմ պաշտպանության Թամար թագուհուն։ Վրաց
թագավորութունը բռնված եր ներքին խռովությամբ
1186/7 թվերին, ժամանակակից Գոշ Մխիթարը հետե-
յալ տեղեկութունն և հաղորդում այդ մասին. «Եւ



Զաքարե յեվ Իվանե յեղբայրները, Հառիճում.

Պատկեր 1.

Թագավորութիւնն Վրաց շիրթեալ կայր. զի Թամարն
դուստր Գեորգեայ թագաւորի եթող զայրն առաջին
յԱլանաց թագաւորութենէն, ի մայրենի ընտանութենէ
իւրմէ Սաւալան անուն, որ և Դաւիթ ի թագաւորին
անուանեցաւ***։ Վրաց իշխանները միացած ուս
իշխանի հետ, արշավեցին թագուհու դեմ. Զաքարյան
յեղբայրների հավատարիմ պաշտպանության շնորհիւ
միայն ընկճվեց ապստամբութիւնը։ Վրաց պատմագրի
համեմատ Սարգսին վորպես յաջորդ՝ սպասաւար նշա-
նակվեց վոչ Զաքարիան, այլ Կամրագել, վոր Գեորգի
Գ-ի աջակիցն եր ապստամբների դեմ. յեթե ճիշտ և
այս տեղեկութիւնը, ապա Զաքարիայի սպասաւարու-
թիւնը պետք և 1193 թվից հետո գնել, վորովհետև

* Brosset. Hist. 409.—Elle (Թամարը) désigna
pour généralisme Sargis Mechargrdzel, homme de haute fa-
mille et expérimenté dans la guerre, héros distingué, auquel
elle donna Loré pour apanage, comme thawad avec de mtha-
var du Somkheth.

** Արձանագ. Սանահնի. համ. Զալալյան. Ա. 28.
Ազգ. Հանդես. գիրք Գ. յեր. 304. և VII և VIII. յեր.
391. Վիմական Տարեգիր 36:

*** Ձեռ. եջմ. № 163/2606, 233բ:

մինչ այդ կենդանի եր Կամրագելը և պատերազմների
մեջ նորան գործակից եյին Զաքարյան Սարգսի և Վահ-
րամի վորդիքը¹։ Սակայն Զաքարիայի ամիր սպասա-
ւարության մասին հայ արձանագրութիւնների մեջ
յիշատակութիւն ունինք ավելի վաղ, այն և 1187 և
1191 թվականներից², միայն առանց «հայոց և վրաց»
բնորոշումների. հավանական և, վոր Զաքարիա ամիր
սպասաւար եր մինչև Գամրակիլի մահը միայն հայ
զորքի համար, իսկ այնուհետև յերկու ազգերի։ Իվանեն
նշանակվում և պալատական զորքերի հրամանատար։

Յերկու յեղբայրները Թամարի թագավորության
զարդն են կազմում. մանավանդ Զաքարիան յուր
հանձարեղ զորապետությամբ կարողացավ վերջնակա-
նապես խորտակել մահմեդական լուծը Հայաստանում։

Վրաց անվանական գերիշխանության տակ
Հայաստանի մեծագույն մասն ընկավ յեր-
կու յեղբայրների ձեռքը. հայ պատմիչները՝
Գանձակեցին, Վարդան, Որբելյան, Մխի-
թար Այրիվանեցին, ինչպես և Վրաց պատ-
միչը, տալիս են իշխանների հաղթական
պատերազմների նկարագրութիւնն ու նվաճ-
ված յերկրների ցանկը՝ Շաքիի և Արցախի
նահանգներից մինչև ներքին Բասեն և Բար-
կուշաթից մինչև Լոռի*, կամ ըստ Որբելյա-
նի «ի Բարկուշատայ մինչ ի Մոնկերտ»։
Վարդան տալիս և նաև գլխավոր կեղծոնների
նուաճման թվականները. 1191 թվին գրա-
վում յեն Շիրակը, 1196 թվին Անրերդը**,
1199 թ. Անին, 1201 թվին Բջնին, 1203 թվին
Դվինը, 1206 թ. Կարսը։ Խլաթն ազատվեց
նվաճվելուց միայն պատահական անհաջողու-

1 Brosset. Histoire 410. 426. 429.

2 Զալալյան. Ա. 98. 18. Սանահնի արձանագրու-
թիւնը ստուգել ենք և գրի առել անձամբ։ Ազգ.
Հանդես III. 283. Վիմական Տարեգիր 36. 37:

* Գանձակեցի 154. Վարդան 181. Այրիվանեցի
64. Որբելյան. 391. Brosset. Histoire. 466. 467. Վրաց
Պատմագիրը Կարսի առումը նշանակում և Թամարի
թագավորության 23 կամ 24-րդ տարին, վոր համա-
պատասխան և 1206/7 Փրկչ. թվին։ Իրողության ավելի
մոտ և առաջինը, վոր համապատասխան և Վարդանի
տված Հայոց 655 թվականին. նույն թվին (ՈԾԵ) և
նշանակում և Որբելյան յուր նորագոյուտ ժամանակա-
գրության մեջ, վոր առել և հավանորեն Վարդանից։
Այս ժամանակագրութիւնը դեռ ևս անտիպ և, ոգտվել
յինք հ. Ալինյանի Յերեանի թանգարանում կատարած
արտագրութիւնից։

** Զաքարիան կանգնել և 1200 թ. ի հիշատակ
Անրերդի առման մի խաչքար՝ հուշարձան, վոր այժմ
գտնվում և Ինաքու (պատկ. 2. առանց պատվանդանի)
գյուղի նորաշին եկեղեցում. Անրերդից երեքված, թե
հենց այս-գյուղն և սկզբնական տեղը, ասել չենք կարող։
Խաչքարի ձախ կողմից (նայողի) վերին մասում փոքր
ինչ կոտրված և և մի ուրիշ կտորով կարկատած։ Խաչ-
քարի արձանագրութիւնն և. Ի ՈՒՍԹ թուական/ու-
թինս ևս Զաքար/ե ամիր սպասաւար Հայոց և